

至如其所聞讀誦經法具菩薩行皆無減失
 於諸善法不斷辯才求深禪定亦無減失乃
 至如是住戒蘊菩薩摩訶薩常為一切之所
 禮敬謂天龍夜叉乾闥婆等供養恭敬歌詠
 讚歎亦為諸龍王阿修羅王等而常尊重利
 利婆羅門長者居士等之所親近及諸智者

而常讚仰為佛嗟咨若天若人一切眾生之
 所憐愍乃至不行四種之行唯除化度眾生
 何等為四所謂不行無相之行亦復不行空
 諸佛利又亦不行生邪見家及墮諸惡趣
 論曰如前所捨彼煩惱力及憍慢等守護福
 報亦復布施然於是福自不希報此欲守護

唯為利佗後不生悔如最上授所問經云若
 布施已是心設不生悔而逐彼後者憂不憂
 等皆各追悔滅滅福報令罪增長若不發露
 於佛覆藏而翻彼善說為罪性復次於彼罪
 惱行懺除者由此無罪而獲福喜
 論曰利益眾生者不以財利之心而為發露

如寶雲經說譬如藥王而自讚已德不為過
 失復說欲守護福者於名聞利養菩薩常當
 遠離高舉以清淨法捨愚癡暗
 大乘集菩薩學論卷第九

十九

大乘集菩薩學論卷第十

夏譯藏朝散大鷲臘少卿宣梵大師歸紫沙門巨昇等奉 譯

護受用福品第七之二

寶積經云佛言迦葉波若菩薩具此四法則
 未生善法令滅已生善法亦不增長何等為
 四謂於世間深著過慢巧構言辭耽著利養

樂觀種姓嫌讚菩薩於未說未聞契經而輒
 生誹謗又說一切有部云如是髮毛爪塔及
 諸身分見已淨信發恭敬心是大德比丘比
 丘尼等從此地面下過八萬四千踰繕那至
 金輪際是比丘所有若干沙數千倍轉輪聖
 王受用福報乃至具壽優波離向如來前合

掌恭敬而白佛言世尊若佛所說是比丘善根如是廣大世尊云何有是善根言汝於此尚能散滅佛言優波離謂忍此動亂而隨彼見如彼梵行而親梵行優波離由斯善根亦復廣大然汝於此尚能散滅優波離是故當如是學又若積薪所焚心可無壞况彼識身

等文殊神變經云所對害者謂百劫中積修其善有所減失說為對害華嚴經說普採眾生妙德夜神因緣如前已說

論曰當於是時互相誹謗增不善本減失壽量色力安隱悉皆減少無有少分示饒益者唯說追求名聞利養作高舉事如寶雲經說

佛言善男子菩薩得珍寶聚量若須彌而取彼施或得弊陋之物亦取彼施所以者何彼如是思惟由此眾生慳貪嫉妬惜自佗物而常闢諱以是因緣處生死海之所沉溺我欲於彼令長夜中利益安樂故受彼施然竟不作已有亦復不起貪著之心唯為供養諸佛

法僧亦復轉施一切眾生如貧苦者得活身命亦令施者極生歡喜具如彼說得施無憍慢彼復又云設有人來以施因緣歌頌稱讚是人不生高舉逮無憍慢又若於我歌頌稱讚謂起即滅非久如間設使再三於諸耆處歌頌稱讚當生何智謂諸法無常無住無強

無力令心卑下勿生高舉逮無憍慢如是菩薩於名聞利養歌頌稱讚等事悉住正念彼復又云譬若旃陀羅子遊行世間卑下其意得離憍慢隨所住已生乞食想復如彼說善男子一者菩薩若捨家出家為諸親眷朋屬之所棄捨猶若死屍以是因緣摧伏我慢二

者已毀形好披壞色衣身貌異俗以是因緣摧伏我慢三者剃除須髮手持應器於親非親遊行乞食以是因緣摧伏我慢四者如旃陀羅子卑下其心遊行乞食以是因緣摧伏我慢五者由乞食故得遂生成為佗繫屬以是因緣摧伏我慢六者雖為佗毀為乞食故

亦受彼施以是因緣摧伏我慢七者尊重供
獻阿闍黎等以是因緣摧伏我慢八者行住
威儀安詳平正令梵行者見已歡喜以是因
緣摧伏我慢九者於諸佛法所未得者願此
當得以是因緣摧伏我慢十者於瞋忿心有
情之中多行忍辱以是因緣摧伏我慢又海

意經云若菩薩得身清淨具相莊嚴手足柔
軟殊妙可愛成福生身諸根不減身分圓滿
然於形好亦無醉傲不以嚴身而求觸樂若
諸衆生種種色相菩薩爾皆爲求法故謙下
恭敬彼經又云譬如大海處地卑下所有一
切江河及諸細流速疾趣入世尊菩薩敬重

師尊心不高舉亦復如是一切甚深法門及
微細善於其耳根速疾趣入世尊是故菩薩
安住正念若高舉我慢不重師尊亦不恭敬
禮拜當知菩薩是爲魔鈞所制又如出世間
品云佛言佛子菩薩有十種魔事何等爲十
一者於和尚阿闍梨父母沙門婆羅門住於

丰

三

正行向正道者不起尊重是爲魔事二者謂
諸法師說殊勝法說廣大法於大乘中知涅
槃道及餘契經得總持王無有休息然於法
師不起尊重及於所聞不作善巧是爲魔事
三者然於會中聞說大法於法師所不樂讚
美況起淨信是爲魔事四者好起過慢自執

已見陵蔑佗人罔知己短心無揀擇是爲魔
事五者好起過慢自無知覺於阿羅漢補特
伽羅隱蔽覆藏佗實有德謂不如己應讚不
讚是爲魔事六者了知是法是律真爲佛語
爲嫌其人頗嫌其法謗正法已於別受持是
爲魔事七者自求高座謂言我行道法不應

親近執事於佗久修梵行大德耆舊不起承
迎是爲魔事八者貌不温恭復多聲聲言極
鹿獷心伺過惡是爲魔事九者由增上慢喜
調戲故不親有德不生恭敬亦不諮問何者
是善何者不善何者應作何者不作又何所
作於長夜中而得安樂利益又何所作於長

夜中而不能得安樂利益癡冥頑很爲慢所持不明出要是爲魔事十者由慢所覆設過佛出亦復遠離壞夙善根竟無新起說不應說多起鬪諍謂此法行返爲是處墮大邪惡於菩提心根力聖財斯不可得百千劫中常不值佛况復聞法是爲十種魔事佛言佛子

菩薩捨此十種魔事得十種智業

論曰此中智業者說善住化度一切衆生等護國經云彼人墮蔑戾車罪惡邊地貧賤中生聾盲闇鈍而無威德親近愚蒙執著我慢又如法集經說謂諸菩薩欲取佛土者即衆生土是爲佛土由是得諸佛法不壞正行謂諸善行惡行無不依止衆生而轉故惡行者依罪惡起彼善行者依人天等寶光明陀羅尼經云佛言佛子此初發心菩薩先於一切衆生發十種心何等爲十所謂利益心安樂心憐愍心潤澤心愛樂心攝取心守護心平等心教授心稱讚心是十種發心爲若此入

解信力財印經云我已得住一切衆生作弟子者亦令佗住一切衆生作弟子故俱獲安隱以要言之我已先住恭敬禮拜亦化一切衆生當住恭敬禮拜又如維摩詰所說經云若樂說世間清淨無難故則隨所化調伏一切有情來生淨佛國土

論曰若踞座洗足思惟應何所作愛樂尊重等事故華嚴經云尔時有王名法音蓋於大衆中處師子座有諸人衆一皆合掌住立其前如是恭敬爲王作禮乃至尔皆法音蓋王見諸乞者生大歡喜具大悲愍假使三千界內俱爲轉輪聖王經無數劫所得妙樂過於前說乃至淨居天王於無際劫行寂靜解脫門亦過前說善男子譬若有人唯行愛育父母兄弟姊妹朋屬男女妻妾昔久乖離後於曠野欻然值遇更相慰問極生愛重瞻視無厭善男子此法音蓋王亦復如是見來乞者具大愛樂心生喜樂發起最上大希有心乃

至於諸乞者生一子想生父母想生福田想善知識想堅固力想極難得想難行能行想多作想最上成辦想近住菩提道想阿闍黎教誡想如其來者知衆生性之所承事平等無礙一切捨施設棄已身如其所欲復次選地清淨塗拭莊嚴捨自利樂等

七十一

五

論曰若乃主者淨信則侍從等亦當淨信教令具足饒益應如是作意向來比丘身有疾病昔佛世尊尚為承事如比丘雜誦律云佛言佛子汝勿嫌棄是病比丘我於比丘中尊尚為承事持此病比丘衣乃至洗盥如是言已時具壽阿難陀白佛言世尊如來勿應洗

此病比丘衣覆不淨故我當為洗佛告阿難汝應洗此病比丘衣如來當以親手盥水爾時具壽阿難陀於病者比丘為浣彼衣如來尚以親手盥水乃至總略時具壽阿難陀如彼病比丘所唱言善哉汝當為起我今侍汝於外出外住已如來亦復親手盥水語阿難

言

汝廣大承事捨離於衆生所有世間中欲恹醇乳汁亦如新婦法

濟度生歡喜若人此淨信非餘衆生類尊重彼天言承事無暫捨

為憂苦損惱成就良福田譬如意賢餅是故生恭敬救無量衆生

後當獲出離置衆生譬中若今造當造自我為主宰不為慢所使由喜默諸根

又若現前尊一心故無動諸廣大度門我義不可得喜樂淨諸根為作斯化度

任持於頂上設墮阿鼻獄脩行如是善於彼彼造作苦故入煩惱衆生若在苦

舉身如燄然慙諸造苦者如罪當懺悔我捨諸世間憐愍無疑惑我親事如來

於諸欲悅意故我求苦設於世尊所承事如來故見如是等人至成於自利

有方便憐愍若倦於忍默頂足俱散壞我造諸衆生由何不尊敬為除世間苦

故我持淨戒 假若一強人 摧壞於大眾
願長觀眾生 使無能作者 又若眾強人
一一如王力 况無如是威 何容行酷罰
設逢暴主時 治官獄卒等 力行慈悲心
拯濟於群有 極怒何所為 寧同地獄苦
若惱逼眾生 造此亦當受 大喜何所施
幸

豈容獲正覺 若恍惚眾生 造此亦當受
汝後當作佛 出諸諸眾生 云何不暫觀
現住稱讚者 魏昂清淨身 及壽量長遠
遠得生死忍 轉輪王妙樂 若慈心供養
名大身眾生 以佛淨福報 為佛大身者
論曰修慈心觀如月燈經云乃至供養無量

無數百千萬億不可稱量歌羅頻婆羅等諸
佛刹土如是供養已不如以一慈心如是次
第供養恭敬常得遠離高舉不如理作意
論曰一心人解是事如寶雲經說善男子云
何菩薩不如理作意為是菩薩獨處閑靜住
無雜亂發如是心我由獨處閑靜住無雜亂

故唯我能順如來法律汝諸沙門婆羅門等
皆住雜亂於輪迴行多所耽著不能隨順如
來法律是為菩薩得不如理作意彼經復說
菩薩起精進時於此精進不拒教誨謂不自
矜已德亦不陵蔑他人如是名為善惠發生
然於自所備習亦求作誨如是菩薩得謙下

精進
論曰已略說此護受用福若迴向菩提如無
盡意經云佛言舍利子若人以少善根迴向
菩提乃至坐菩提場終無散滅譬如一滯之
水墮大海中乃至住劫邊際終無散滅
清淨品第八

論曰護身等說有三種清淨今當說是義云
何謂已身受用清淨俱獲安隱若人於身示
現淨飲食成熟正等菩提如秘密大乘經云
復次菩薩於大城邑大塚壙間以無數百千
眾生克滿其中而菩薩摩訶薩示死滅相現
傍生趣大身眾生乃至令食身肉於命終時

得生天界及餘善趣以是因緣乃至最後入於涅槃所謂菩薩宿願清淨於此長夜酬其宿願作利益事臨命終時令食身肉以是因緣得生天界乃至最後入於涅槃謂若成就持戒成就思惟成就希求宿願如是彼經復說現法身光為諸眾生作利益事寂惠當知

譬如活命醫王集諸妙藥搆節和合成女人相姝妙端正人所樂見而善安立施作等事行住坐卧如其分別諸有國王王子大臣官長長者居士而或來詣活命醫王時彼妙藥所成女人相與給侍由給侍故一切輕安得無病惱佛言寂惠汝且觀是活命醫王深植

妙樂除世間病然餘醫師無有是智寂惠現土身光菩薩亦復如是乃至男子女人童男童女及餘眾生為貪瞋癡徧觸其身熾然燒煮若彈指頃一切煩惱遠離燒煮身獲輕安所謂菩薩宿願極清淨故論曰此身清淨義者譬如苗稼為草所覆而

不滋茂是菩提芽為煩惱覆亦不增勝若不行對治思惟怖求何容解脫令彼增長汝諸世間一心伺察罪業清淨則身器清淨說為正覺復次罪清淨者四法經云佛言慈氏若菩薩摩訶薩成就四法滅先所造久積過罪何等為四所謂悔過行對治行制止力依止

力復次悔過行者於不善業行多所改悔二對治行者誦造不善業已極為善業及餘利益之所對待三制止力者由讀誦禁戒得無毀犯四依止力者謂歸依佛法僧寶亦不棄捨菩提之心由能依止是力決定滅彼罪等佛言慈氏是為菩薩摩訶薩成就四法滅先

所造久積過罪

大乘集菩薩學論卷第十

十